

लहरियों भींजे रे,
कानूड़ा रंग बरसे,
म्हारो हिवड़ो हबोला खाय,
कानूड़ा रंग बरसे ॥

चन्दन चौकी रे कानूड़ा बैसणो,
कोई फूलो जड़ियों रे बाजोट,
कानूड़ा रंग बरसे ॥

चावल रंधाऊ रे कानूड़ा ऊजला,
कोई हरिये मूंगा री दाळ,
कानूड़ा रंग बरसे ॥

पोळी पोउ रे कानूड़ा लड़ छड़ी,
तीवण तीस बत्तीस,
कानूड़ा रंग बरसे ॥

थाल परोसे रे कानूड़ा राधिका,
कोई नेवर रा झनकार,
कानूड़ा रंग बरसे ॥

जीमत निरखु रे कानूड़ा आँगळी,

कोई मूलकत निरखू दाँत,
कानूड़ा रंग बरसे ॥

मूंग फली सी रे कानूड़ा आँगळी,
कोई दांत दाड़म रा बीज,
कानूड़ा रंग बरसे ॥

जिमिया झूठिया रे कानूड़ा प्रेम सू,
कोई इमरत चळू रे कराय,
कानूड़ा रंग बरसे ॥

चन्द्र सखी री रे कानूड़ा विनती,
कोई सुण जो चित लगाय,
कानूड़ा रंग बरसे ॥

लहरियों भींजे रे,
कानूड़ा रंग बरसे,
म्हारो हिवड़ो हबोला खाय,
कानूड़ा रंग बरसे ॥

प्रेषक रामेश्वर लाल पँवार ।
आकाशवाणी सिंगर ।
9785126052



Bharat Temples

Complete Bhajans Collections - Download Free Android App

<https://play.google.com/store/apps/details?id=com.numetive.bhajans>

Facebook: <https://www.facebook.com/bharattemples/>

Telegram: <https://t.me/bharattemples>

Youtube: <https://www.youtube.com/channel/UC24oJCxZjyhhKzSUD-Lt9Tw>